



半史畧



漢書門	八	八	八	八	八	八	八	八	八
類	號	函	架	冊	冊	冊	冊	冊	冊

內閣文庫	漢書	八	八	八	八	八	八	八	八
函	架	冊	冊	冊	冊	冊	冊	冊	冊

內閣文庫	番號	漢	8818
冊數	16	(	2)
函號	286		69



半憲史畧卷之三

發政越三叅校

弟與洲唐葉氏叅校

學士黃仲宣先生鑒定


永新龍體剛鐵芝氏纂輯

卽墨江 成華匡評閱

弟體正心宰氏校梓

夏朝年系歌纂畧

夏禹崇伯鯀之子母修已感流星貫昴孕十二月辛丑  
六月六日生禹於樊道石紐鄉身長九尺二寸先鯀治  
水性佛戾違衆大典徒役作九仞之城志在堵塞堯戒  
之不從九載無功時舜登庸攝位行黜陟之典竄鯀於  
羽山拘囚困苦殛之而死四岳咸薦禹禹傷父功不成  
苦心焦思八年於外娶塗山女嬌歷辛壬癸甲四日復  
行治水十月生子啓呱呱而泣禹惟憂度土功弗顧起  
乙卯至癸亥亥圭告成封夏禪乃建禹於天以禪位



塗山國名今  
在壽春縣東  
北  
橋音驕辛日  
娶至甲四日  
卽出治水不

半憲史畧

卷之三

假留家

大禹 自丙子至

帝啓 禹子自甲申至

大禹 子自癸巳至

仲康 太康弟壬戌至

帝相 仲康子乙亥至

寒浞自癸卯篡

統三十

少康 相子自壬午中興

后杼 少康子自甲辰

后槐 杼子自辛酉至

后芒 槐子丁亥至

后泄 芒子自乙巳

六歲 不降 泄子辛酉至巳

后肩 不降弟自庚申至

后厘 肩子自辛巳至

孔甲 不降子壬寅至

后皐 孔甲子自

未十

后發 皐子甲申至

履癸 發子即桀自癸卯至

夏起禹元歲丙子終桀甲午十七主共四百三十九歲

鑑載四百五十八乃合丁巳攝位及避陽城之數也

陽城今登封縣安邑今平陽府安邑縣即韓國會稽在紹興府

大禹

賜姓姁字高密丁巳攝位十七歲癸酉舜崩避於陽城丙子即位改載為歲以金德王都安邑仍居陽翟復以建寅月為歲首歷八歲癸未巡狩江南崩於會稽壽一百二歲今會稽有禹塚

夏禹大而神靈鍾自昴西齒齟喙是鳥虎鼻耳三漏苦心蓋父

愆入載勤抖搜玉簡受河圖洞天秘所有

禹於陽明洞天感太上命繡衣使者降授

五符以治水檄召萬神又鑿龍門至空岩得伏羲玉簡長尺有二寸及八卦圖開山圖

川嶽以形勞劍擊

蛟龍吼迨後玄珪成建寅為歲首三壤以經邦山澤州同九下

車泣異心出見罪人泣日百

疎狄絕百酒饋沐為民勤而十起

蝮蟻音偃廷

一沐三握髮以

蝮蟻江上走

禹濟江黃龍負舟舟中人懼禹仰

勞天下之民猶蝮蟻顏色不變須臾龍俛首而逝

身度為律心法傳於

半憲史畧

卷之三 夏

二

茅山一云苗山在縣南七里

口。羣臣致會稽。防風戮不苟。禹致諸侯於茅山。會計其功。過時防風氏後至。戮之。尋改茅山為會稽。

磬鐸鞀鼓鐘。道德相針灸。禹懸器以待士。銘曰。導吾道者。擊鼓喻義者。擊鐘告事者。振鐸啓憂者。擊磬凡致訟者。搖鞀鞀小磬。

南狩至塗山。萬國來輻輳。上天為雨金。時撫陽者。搖鞀鞀小磬。

大夏樂堪奏。禹命臯陶制樂名大夏。貢法賦於民。授田計以畝。洛書範

九疇。時神龜出洛水上。背有圖。戴九履一。左三右七。右肩二。左肩四。右足六。左足八。中五。謂之洛書。天以此錫禹。禹因其數。而次第之。為洪範九疇。一五行。二五事。三八政。四五紀。

五皇極。六三德。七稽疑。八庶徵。九五福。六極。詳洪範篇。銅鼎

鑄不朽。先是顓頊分天下為九州。曰冀。兗。青。豫。徐。揚。荆。梁。雍。堯州北為營州。共為十二州。及禹佐舜。復合為九州。各有貢金。因鑄為九鼎。上列九州之山川戶籍。及所產異物。以垂久遠。

大禹神聖天縱。敏給克勤。其德不爽。其仁可親。乘四載而履

橋音敬備音

四時。禹治水陸行乘車。水行乘舟。泥行乘橈。山行乘橧。繩長風而沐甘雨。壘壘穆穆

輕尺璧以憐寸陰。於是感神於河。河精授圖。聞宛委。黃帝有

書。乃登覆。誦探石穴。而獲五符。又下龍門。受玉簡。以揆地。遂

得周行天下之名川。三百支流。三千出路心剝形瘵。以趨乎

事。而卒能陂九澤。度九山。通九道。定九州。鑄九鼎。為萬世準。

始。不僅克成偉績。以蓋父前愆者也。然極其手足胼胝。面目

黎黑。勞心焦思。無非以幹蠶為重。故急於成功。而不暇於自

奉。蓋孝至而萬善舉焉。於治水也。何有。至於歷山鑄金。贖民

鬻子。以歷山之金鑄錢。贖民之無食而賣子者。綱紀典則。關石和鈞。關通也。和平也。三十斤為

半愈史畧

卷之三夏

三

箕山在河南  
登封縣  
潁州府陽翟  
縣有釣臺坡  
一說在開封  
府禹葬

鈞四鈞為石蓋五禮之最重衡率準此也。天雨金而地吐符。關通以見彼此通同和平以見人情平均。允執厥中以受心法。後世觀河洛者思其功。見舞大夏者頌其德。巍巍乎疇得而間之哉。

帝啓禹子乙酉伯益歸政就國於箕山之陰

帝啓初傳位。鈞臺享諸侯誓甘征有扈。誓者戒師之詞有扈無道啓伐之誓師于甘

懋德自增修。商均賓禮厚。歌舞九為優。有扈乃啓同姓之國卽周文王所都豐地秦甘

亭漢改鄠縣今屬西安府甘地名在有扈南郊。秦九辨九歌舞九招中聲猶在而人皆仰夏之功。

帝啓嗣位之初。遽生有扈之變。謂疑堯舜傳賢而禹獨傳子。故耶不思以子承父跡。雖殊於帝世而傳子以賢其義亦同。

於禪彼有扈威侮五行怠棄三正。子丑寅為三正自古已然明係不奉正

朔非第因傳子而生疑貳者也。啓能載主以臣無道賓禮以

待商均。增修厥德。無勤民於遠。帝之奮發有為若此。不賢而

能之乎。禹之傳子實應天而順乎人矣。

甘誓辭曰。有扈氏威侮五行怠棄三正。天用勦絕其命。今予

惟恭行天罰。用命賞於祖。不用命戮於社。予則孥戮汝。於此

見啓之誓師奉天討也。弟戰甘伐扈之事。論載不一。如說苑

載子貢云。禹與有扈戰三陳而不克。於是修敬。一年而有扈

請服。莊子謂禹攻有扈國為虛屬。楚辭天問。猶云該秉季德。

厥父是滅。胡終斃於有扈。牧夫牛羊。朱註。該即啓季少也。言啓能秉德為禹所善。何忍斃有扈而廢。又云有扈牧豎云何而逢擊床先出。其命何其後人為啟監。從。王逸註。啓攻有扈時。親於其床上。擊而殺之。行以力不勝啓而畢命。古事茫昧。既不可考。而呂氏春秋竟曰。夏后相與有扈戰於甘澤。不勝。六卿請復之。夏后相曰。不可。吾地不淺。吾民不寡。戰而不勝。是吾德薄而教不善也。於是乎處不重席。食不二味。琴瑟不張。鐘鼓不備。子女不飾。親親長長。尊賢使能。而有扈氏服。是啓事也。而以為禹。且謬為相。又安可為據乎。然嘗讀甘誓。而知唐虞商周風隆。上古帝王升降之機。於夏為一變矣。夫子刪書存此。

以誌夏之繼世。一以表啓之克家。事雖征伐。而其旨渾厚。數敵之罪。不至溢惡。戒衆之令。不費多詞。此夏道之所以為忠與。

太康啓子。癸巳立。至辛亥。敗洛十句不返。弟五人作歌。怨之。有窮后羿拒之於河。遂都陽夏。十年不能返國。辛酉崩立二十九歲。

太康喜佚遊。尸位滅其德。敗洛恣流連。十句不返國。終為后羿拒。煩言日嘖嘖。五歌置罔聞。陽夏嘆頽魄。缺月不再。圓日頽魄又落月也。太康背祖父。謨烈而不之修。滅五弟。怨歌而不之儆。遊畋忘返。其為羿拒宜矣。然既為羿拒。歷十載而終。陽夏是時諸侯。

無一助羿以成其惡。則禹德之淪浹人心。益可想見。

太康敗洛不返。為羿所拒。厥弟五人御其母以從。後於洛汭。

汭水次也。述大禹之戒以為五歌。其一日皇祖有訓。民可近

往來之所。述大禹之戒以為五歌。不可下。民惟邦本。本固邦

寧。予視天下。愚夫愚婦。一能勝予。一人三失。怨豈在明。不見

是圖。予臨兆民。稟乎若朽索之馭六馬。為人上者。奈何不敬。

其二曰。訓有之內。作色荒。外作禽荒。甘酒嗜音。峻宇雕牆。

有一於此。未或不亡。其三曰。惟彼陶唐。有此冀方。今失厥

道。亂其紀綱。乃底滅亡。其四曰。明明我祖。萬邦之君。有典

有則。貽厥子孫。關石和鈞。王府則有。荒墜厥緒。覆宗絕祀。

其五曰。嗚呼。曷歸。予懷之悲。萬姓仇予。予將疇依。載於尚書。

爾陶乎。予心頗厚。有忸怩弗慎。厥德雖悔。何追。然世尚疑之。謂五歌伯仲漢魏。其典則敦厚。不及十五國風。

欲陵商周雅頌而上之。則意淺而響浮也。且五弟輒為五歌。

豈一人而作一歌耶。此中真贗似不可辯。但玩味五歌章法。

離異莊嚴渾質。音節蒼涼頓挫。有法與虞廷賡歌。皆可為三

百篇之權輿。其不咎羿而曰萬姓。不咎萬姓而曰弗慎。德不

咎太康。而止自怨艾。意味深長。類非漢魏諸儒所能及也。按

歌各首有章法。合五首。又有五首之章法。第一首起結莊嚴

渾深。總冒下四章。第二首承第一首。語約而意切。第三首畧

開紆緩。作頓挫。第四首又振起。第五首總收。上悲感悽涼。極

一唱三嘆之致。嘗謂杜工部五七言律。獨能連章十數首。可

以總為一章。法當祖此。若疑非五弟自作。試思關雎卷耳。何以証為太姒宮人之親筆哉。

仲康弟繼兄纂序不蹉跎。天錫彭永壽。

彭義鑑也。祖訓儆為歌渠魁。

仲康在位十三年。仍都陽夏。

太康弟壬戌立。至甲戌崩。

冀即晉地堯舜禹皆都冀

嗟莫剪肘制亦云多胤侯六師掌握柄勦義和義和沉湎於酒黨惡於羿日食天變漫不仰傲帝故征之以剪羿之羽翼

仲康雖莫能制羿仍居陽夏然鑑兄覆轍祖訓是惕其胤征一篇實剪羿之羽翼而收其權也今讀其畧曰羲和顛覆厥德沉亂於酒畔官離次傲擾天紀遐棄厥司乃季秋月朔辰弗集於房瞽奏鼓嗇夫馳皆奔走以救日食庶人走羲和尸厥官罔聞知昏迷於天象以干先王之誅今予以爾有衆欽承天子威命殲厥渠魁脅從罔治舊染汚俗咸與維新其爾衆士懋欽哉是所先愛後威恭莊嚴栗大得兵家之要道而羲和之

助羿為惡聚羣作惡不言可知篇中雖止責其曠職之罪而實誅其不臣之心蓋尊祖訓克彰天討羿雖未正法誅而仲康洵禹之賢孫啓之肖子者也

商邱湯所居之臺邑地今歸亳州

帝相仲康子時權歸后羿為羿所逐乙亥立元歲徙商邱依同姓諸侯斟澆斟灌氏王作羿所信用家臣寒泥殺羿因羿之妻生澆及豷壬寅泥使澆弑帝相於商邱立二十八載相后緡方娠逃出自竇奔歸有仍即父之緡國後至癸卯生少康

麗園音莊語澆堯去聲禮音獻

帝相立元年即為羿篡劫幸依兩斟侯商邱且寄立羿棄四賢臣任澆逞遊獵羿恃善射喜獵棄武羅伯因熊羆麗園四人而用寒泥泥娛於畋使家衆殺羿而烹之以食其子子不忍食殺於有窮之國門克橫八春秋夏社已崩裂寒泥殺后羿又生澆

二

卷之三

七



與禮澆即疣瘡瀆天常澆視相終為澆弑逆澆弑帝相并國牙  
殺斟灌斟鬻  
恨蒙塵幸娠延夏室

江云不明敘  
其篡而三十  
九年無歸者  
矣

帝相雖二十八載實為羿篡而羿棄賢臣以用寒泥又自作  
而自受者夫泥為伯明后寒之讒子弟伯明已棄之於舟羿  
收之而以為相泥乃行媚於內施賄於外愚弄其民殺羿而  
奪其妻以生澆豷且弑帝相於商邱而篡其位六十年間夏  
屋俱燼此五帝三王時不經見之事宇宙一大斷續之機矣  
若不詳厥年次何以紀亂亡哉茲特附泥於帝相少康之間  
非存逆也於以表少康之中興靡鬲艾杼之撥亂有仍有虞

之繼絕舉廢皆千古不易之君臣也

附賊臣寒泥羿辛亥非太康壬午為寒泥所殺此三十二  
歲寒泥壬午弑羿壬寅弑相至少康壬午中

興歷六十一歲寒泥起癸卯至辛  
巳夏統中斷者凡三十九歲

泥與澆弑逆夏屋已中倒噫靈六十春無由問蒼昊非遺腹有  
繆何自彰天討

江云若遵綱  
目以少康癸  
卯生年為少  
康元歲則寒  
泥之所篡三  
十九歲即少  
康三十九歲  
少康癸卯崩

羿與泥澆開今古弑逆之端三代間驚異事也自泥誅羿以  
至少康復位不見天日者已周甲矣九州諸侯並不聞有建  
義殺賊之舉庸或史書殘缺而莫可徵乎今止知臣靡有鬲  
興師誅澆建再造夏室之勲而不知斟灌斟鬻以身殉國寶

實六十一年  
合大書明  
有虞商均所  
封之國  
綸虞地今平  
陽府榮河縣

為夏屋柱石讀史者其可忽諸

少康相子名緡癸卯生於隋仍甲子自有仍奔有虞虞君

思妻以二姚而邑諸綸有田一成有衆一旅年四十七

少康孤孽子保護賴虞公牧正兼庖正天日在空濛少康長為

寒泥子過曉使人圖之又逃於有虞國崎嶇亂離際崛起成旅

為庖正邑綸時止有田一成有衆一旅崎嶇亂離際崛起成旅

中佈德資遺老揮戈殄奇寇春雷方震動大海躍潛龍季杼揚

威武女艾列元戎少康之滅泥也乃使其臣女艾殺澆季杼滅

歷代中興首毅然後再功誅逆賊復祖業洵

少康以遺腹子逃奔有虞藉一成一旅之力十里為城五

其德而兆其謀此噓餘燼於冷灰中豈易事哉卒能任用遺

老即夏老臣自有鬲而收灌潯之遺民恢復祖業揮戈於過

而澆誅揚鏢於戈而羶滅過戈二元克克殄舊物不失後儒

虞世南謂歷代中興以少康為冠置其然乎

后杼少康子一日松蔓是為帝輿

后杼嗣少康志頗能帥禹國語云杼能帥禹三壽東海征稱為

有德主三壽

后槐杼子一日芬是為祖武

后槐承杼位亦堪撐夏宇九部皆東夸稽首朝當宁是待九部

外蕃皆被

芒音荒

政教入朝稱貢

后芒

槐子一日和丁亥至甲辰立十八歲年五十八

后芒知纘緒路史載不羣濱河狩於海亦不墜禹勳

元年芒以玄珪濱於

河而狩於海獲大魚路史記其事實

后泄

芒子乙巳至庚申十六歲

后泄十六載承禧貴慎勤六夸受王爵遐荒知有君

畎夸自夸赤夸風夸

玄夸黑夸為六夸東漢書曰太康時四夸背叛及相乃征畎夸至泄始加爵命由是服從桀之亂畎夸入居邠岐

后杼后槐少康之子孫也杼英毅東征三壽為夏家有德之

宗故展禽謂杼能帥禹而子槐嗣之東夸九部稽首來降至

於會芒玄泄纘承先緒使諸夸咸受王爵百有餘年號為治

世非少康之餘烈耶

不降

泄子一日帝江又曰北成降當作江山海經作帝江辛酉至巳未五十九歲

不降承泄祚歷年五十九九苑事可傳亦不愧元首

六歲丙寅伐九苑

夏朝一十七主惟不降在位五十九載歷年之永亞於商家

之太戊而等於殷武丁周赧王亦僅事也其以子年幼而傳

位於弟豈心知孔甲之不肖歟賢可知矣

后扃

不降弟庚申至庚辰二十一歲

后扃弟承兄守株念一年庸庸無可述夏屋保安然

后厘 扇子辛巳至辛丑二十一歲無子乃傳位於孔甲

孔甲 不降子路史作胤壬寅至壬申三十一歲 戊辰商湯生

孔甲不降子破斧始為歌名曰肆行潘亂事神鬼媚無他繼昧

擾龍術 擾音饒又音柔馴也 諸侯叛且多 考蔡史昔有聰叔安謂馴養得其嗜慾

龍能得其嗜慾而飲食之乃擾畜龍以事帝舜賜氏曰豢龍姓曰董封諸饒川其後有劉累學擾龍於豢龍氏事孔甲能飲食之孔甲喜之賜姓曰御龍氏以豢豕韋之後後一雖龍死遂醢其龍以食孔甲孔甲饗之既而使求龍無有累懼而逃遷於魯縣即今之魯山也 三歲甲辰采牛首山之鐵以鑄劍陶弘景古今錄謂在八年九月係考古銘字書所誤

龍為四靈之一變化飛騰何能豢擾而臨食之必係小龍之物定非真龍而孔甲竟為所愚其不修德可知無怪乎天示妖孽十日並出於東陽也

妖孽十日並出於東陽也

后皐 孔甲子癸酉至癸未十一歲

后皐 孔甲子癸酉至癸未十一歲

后皐嗣孔甲相繼皆蹉跎履位十一載殺陵水嵯峨皐陵殺陵在洛之永

寧三嶠山蹇叔曰徹有二陵其南陵即夏后皐之墓

后發 皐子一日惠是為后敬甲子至壬寅十九歲

后發雖尸位諸夷賓元年元年夷獻樂舞恨傳與履癸夏屋遂頽焉

夏自不降而後五六世俱鮮令聞至孔甲而道德不修惟鬼神是事擾龍之術既行而破斧之歌又作金極生水運至是

而當休矣。然必傳子臯孫發。以至於桀而始亡。無乃湯德之隆。故夏社不遽屋耶。

諡法賊人多殺曰桀

履癸癸子即桀也。桀乃後人諡之非名。癸卯即位。甲子歲公劉遷幽。乙亥伐有施得妹喜。丁丑湯嗣商。

王位。甲午殺諫臣關龍逢。乙未成湯與師。伐之放於南巢。三年死於亭山。在位五十二歲。

夏桀即履癸。握鈞能伸鐵。妹喜得於施。荒淫無可匹。暴歛竭民

財。侈肆罷民力。聽奸臣趙良言。伐施施懼。進女妹喜。桀寵愛之。鑿築為夜宮。男女雜親

昵。夜宮乃日夜淫樂之宮。肉山與酒池。牛飲恣喜悅。以供妹喜之悅。拒諫殺龍逢。

安邑關龍逢引黃圖諫之。桀曰吾有天下如天之有日。日亡吾乃亡矣。遂焚黃圖囚龍逢而殺之。山崩伊洛竭。

終古既歸商。終古太史名。諫不聽奔商。三股同鼠匿。三股古縣名。今山東定陶縣。猶有三股之名。

逢音旁

甲午殺龍逢

壘山即崩

腰音宗從凶

漆四點非

鳴條復倒戈。鳴條。陶名。在平陽府安邑縣二十里。身殞先天日。南巢三歲存。大夏

盡摧折。南巢。即今廬州府無為州。巢縣地。桀奔居於此而死。

夏桀之無道也。恃握鈞伸鐵之力。矜戰勝攻取之能。先克有

緡而已。自矜肆。桀先會諸侯於有仍。有緡氏見桀後肆。引師先歸。桀伐滅之。益自矜張。由是韋氏顧氏昆

吾氏党。桀亂政。及伐有施。而得妹喜。喜一笑百媚。女子行而丈夫心

者。桀嘗加諸膝上。以玉貫金螭。飾笄珞以媚之。遠味四海。駕

人車以奉之。且復瑤臺瓊室。酒池肉林。夜宮荒淫。無所不至。

其與後世之阿房。秦迷樓。隋業彘。南梁阿廢。煬帝小名。同一轍矣。

况當費昌見日東出。西沉。史記秦本紀伯翳在舜時賜姓嬴氏。生子二人。次曰若木。即費氏其

裔孫曰費昌仕夏見兩日東出西沉問於馮夷夷曰西夏東商費昌遂去桀而歸於湯遂為諸侯是為秦祖。一云伯翳即伯益秦聲以人為去故謂益為翳路史辯其非是實係兩人地震星錯川竭山崩乃猶不知省悟而反拒諫戮忠致生時日曷喪之怨噫今古亡國之君代不乏人要當以夏室履癸為首魁矣

桀以荒淫亡國固屬首倡但路史以諸傳所言類多失實如龍逢以冠危石履春冰為諫竹書謂諫瑤臺新序謂諫酒池其死也劉向以為拘囚韓子謂傷四肢符子則以為刑於炮烙夫炮烙紂刑也寧桀事耶又世紀云桀能倒拽九牛撫梁易柱引鈎伸索握鐵流湯而大紀云瑤臺三里金柱三千宮

中九市食獸以人丘鳴鬼哭山走石泣六月獵西山夜飲百二十日諸事不無粧飾之詞其云車行酒騎行炙脯林肉圃酒池糟丘等語王充謂車行酒則非池矣騎行炙則非林矣大抵鑿池園內注酒池中或傾酒地上溢流若池掛肉林端人俯仰其首而飲噉之無非侈肆之罔節而一鼓牛飲三千所由來耳何彼淮南尸子又有植杜槁而鏤裂容臺搖而掩覆羣犬嗥而入淵豕啣蓐而席隩美人挈首墨面而不容曼聲厲炭內闕而不歌飛鳥斂翼走獸廢脚山無峻幹澤無注水田無立苗路無莎蘋金積折廉壁襲無羸等語豈非杜撰

而過甚者乎。而且韓嬰詩傳更謂糟邱足望十里。酒池可以運船。管子載言女樂三千。晨譟端門而聞於三衢。衆言淆亂。若曰不如是不足以殫桀之虐。第恐後世庸僻好行不義。聞諫而拒。以詞曰吾所爲未至於桀。豈非立言之遺殃者與。

半憲史畧卷之四

禾川劉之藩牧者叅訂

劉 瑯 彦 章 氏 校 叅

學士黃仲宣先生鑒定

永新龍體剛鐵芝氏編輯

卽墨江 成華厓評閱

長男鳴鏗翁昌授梓

商朝年系歌纂畧

商之先帝嚳子契為商始祖。堯時佐舜為司徒。能敷五教。堯八十一歲甲子封契於商。賜姓子氏。傳至昭明遷於砥石。相土在夏帝相十五歲作乘馬。遂遷商。邱歷昌若曹圉及冥。夏少康十一歲使冥治河。至帝杼卅三歲冥死於河。計三十四歲。冥卒傳振字子玄始遷殷。計三十七歲而為有易之君。綿臣所殺。國統幾絕。振後有微字上甲殺綿臣而以殷復興。仍居殷地。其母以甲日生。微故字以甲。後商家以日為名。自止甲始微後傳報丁。

商地後周改  
商州今屬西  
安府

報乙報丙主壬主  
癸癸即湯之父

帝嚳

契

昭明

遷砥石地  
不知何在

相土

竹書商侯相土  
作乘馬遷商邱

昌若

曹圉

冥

使商侯冥治河

振

字子玄遷殷

為綿臣弒

微

字上甲殺  
綿臣復殷

報丁

報乙

報丙

主壬

主癸

史記為  
湯之父

天乙

世本謂主癸有子名天乙天乙之子為成湯是主癸為湯之祖史記以天乙即成湯之名有云主癸名天乙則甚非

一云自契至湯凡八遷都

商先嚳子契堯封始列侯昭明遷砥石相土徙商邱昌若及曹圍冥卒在河陬振為綿臣殺上甲復殷警報丁傳報乙報丙嗣齊優主壬傳主癸天乙名有由湯年八十八乃始承天庥剛考自契至湯為商國諸侯者凡十四世天乙正合其數按

畧云綱目前編載桀三十歲丁丑商主癸堯子履嗣位是亦從殷本紀也

索隱云湯名履即書曰予小子履是也譙周又謂夏商之禮

生稱主死稱廟主皆以帝名天亦主也故曰天乙是則天乙

亦從于日即成湯別名定為主癸之子今應從之

成湯

乙未即位至丁未十三祀

太丁

湯子未立

太甲

湯孫太丁子戊申至庚辰三十三祀

沃丁

太甲子辛巳至巳酉二十九祀

太庚

沃丁弟庚戌至甲戌二十五祀

小甲

太庚子乙亥至辛卯

十七

雍巳

小甲弟壬辰至癸卯十二祀

太戊

雍巳弟甲辰至戊午七十五祀

仲丁

祀

太戊子己未元年遷

外壬

仲丁弟壬申至丙戌十五祀

河亶甲

外壬弟丁

至乙未九祀

相

祖乙

河亶甲子丙申立遷耿復遷邢至甲寅十九祀

祖辛

祖乙子

庚午十

沃甲

祖辛弟辛未至乙未二十五祀

祖丁

祖辛子丙申至丁卯三十二祀

三

商



南庚 沃甲子戊申至 陽甲 祖丁子癸巳至 盤庚 陽甲弟庚

壬辰二十五祀 已亥立七祀 子復歸於 毫改國曰殿至 小辛 盤庚弟戊辰至 小乙 小辛弟巳丑

丁卯二十八祀 戊子二十一祀 至丙辰二十 八 武丁 小乙子丁巳至 祖庚 武丁子丙辰至 祖甲 武

子祖庚弟癸亥至 廩辛 祖甲子丙申 庚丁 祖甲次子廩 乙未三十三祀 至辛丑六祀 辛弟壬寅至

壬戌二 武乙 庚丁子癸亥至丙 太丁 武乙子丁卯至 十一祀 寅雷震死立四年 已巳立三祀

帝乙 太丁子庚午至 受辛 帝乙子即紂丁未至戊寅 丙午三十七祀 三十二祀周伐之而亡

四十四年

商起成湯十八祀伐夏起乙未終紂戊寅二十九主共六百 成湯 名履一名天乙主癸之序 毋日扶都賜姓子氏立十

王都毫改歲為祀以建丑月為歲首丁未 崩年百歲在位一十二祀葬亳北之濟

商湯昭懋德貫日氣為禎 湯母扶都見白 夏臺獄幸釋湯誓厲 風聲 桀先聞湯得諸侯心怒而囚之夏臺後釋歸國及湯伐 醜

夏復伊尹說行始葛征 伊尹名摯伊國諸侯之後帝堯之裔也 在河南開封 有莘古城名 陳留縣

在河南開封 葛云屬平陽 告 堯舜之道桀終不取於是尹醜夏桀復歸於商告湯曰桀 喜上下離心皆曰上天弗恤夏命其革說湯伐暴救民先

道之國十有一征其自葛始以葛伯至無道也但十一征 古無 天錫王智勇九夸未敢兵 說苑云湯欲伐桀伊尹請先 傳文 天錫王智勇九夸未敢兵 貢職以觀夏動桀怒起九夸之

師湯謝罪仍服入貢明年又乏貢職桀復 乘鉞肅三伐苞葉盡 起九夸之師九夸師不起乃興師伐桀 乘鉞肅三伐苞葉盡

削平皞冠衣縞白 皞商冠名取覆載之義縞衣以白繪為之商 時凡色尚白故然禮王制曰殷人皞而祭縞

皞音許

皞音許

法除虐去 日湯

亳邑漢改偃 師縣今屬河

河南雒縣 鳴條在安邑

北空桑在今 陳留縣

有莘古城名 在河南開封

葛云屬平陽 府又云屬今

歸德府未知 孰是

一

皞音許

衣而地統丑為更。以建丑為正月。祝網歸候國。湯出見獵張四面之網。養老。左者左欲右者右不用命者入吾網。漢解其三面而祝之曰欲南諸侯聞之曰湯仁及禽獸而况人乎。剪髮雨蒼生。時丙申至七年太史占之曰當以人禱湯曰若以人禱可得雨吾請自當遂齋戒剪髮斷爪素車白馬身嬰白茅以為犧牲禱於桑林以六事自責曰政不節與民失職與女謁盛與苞。賤貨遠聲色。淵直行與謙夫昌與宮室崇與言畢普天大雨。默警諸銘。湯作盤銘。尹為右仲虺為左仲虺夏車正奚仲之後即萊朱也。改年以祀名。三風十愆訓。大濩頌功成。樂名大濩濩護也言寬仁能救護生民也。尸居躋聖敬。執中萬古程。湯因哭龍逢而獄夏臺與文之嘆鄂侯九侯而囚羑里遭時不幸無二致也。秉鉞三伐苞蘖盡除與武之恭行天討皆應。

台音怡

乎天而順乎人。時使然矣。蓋時際其亨則為唐虞之揖遜。時際其塞則為湯武之弔伐。聖人與時偕行一如天之易秋冬而為春夏並無容心於其間。所以官天下與弔伐而有天下者皆時之所使。聖人惟不違時而已。且讀湯誓而知成湯之伐桀非不得已也。誓畧曰：非台小子敢行稱亂。有夏多罪。天命殛之。今爾有眾。汝曰：我后不恤我眾。舍我播事而割正夏。予惟聞汝眾言。夏氏有罪。予畏上帝。不敢不正。今汝其曰：夏罪其如台。夏王率遏眾力。率割夏邑。有眾率怠弗協。曰：時日曷喪。予及汝偕亡。

桀言有天下如日。日亡我乃亡故民。

有是言也。夏德若茲。今朕必往。爾尚輔予一人。致天之罰。予其大賚。汝爾不從誓言。子則孥戮汝。孥。辱男子。以為罪隸。文詞之婉折謙和。與甘誓之勁直。厲迥不相侔。蓋甘誓以君討臣。故語勁而直。湯誓以臣伐君。故語正而婉。諄諄然明已之非。稱亂而惟恐。民罹殘虐。有夏多罪。無表暴過甚之辭。獎率三軍。無憤怨激烈之氣。其稱有夏。夏王而不名。猶退然有敝冠之思焉。於此。而可諒聖人之舉。豈得已哉。合觀仲虺之誥。首言桀逆天命。而天之命湯。莫辭。次言湯德協民。而民之歸湯。已久。三言為君艱難。人心離合之機。天道福善禍淫之可畏。以明受夏

非以利已。實有無窮之錫。非僅釋湯慚以曉諭臣民。其曰予恐來世以台為口實。一言則又勘破千古箴規。萬世獨奈何。六朝五代俱無一解。及此誥惜哉。

太丁湯之子太甲之父未立而卒

史記載太丁死。外丙立二年。仲壬立四年。相繼而崩。然後太甲立。即孟子亦述有一語。謂因太丁死時。太甲年幼。乃舍嫡立弟。以繼其兄。後趙氏竟從史記。朱子并書註存之。是也。但尚書孔序云。成湯既沒。太甲元年。不言有外丙。仲壬。又曰。湯崩。踰月。太甲即位。故大紀史論云。三王家天下。以敬宗尊祖。

聖知成湯斷不舍嫡孫而立外丙以啓後世之爭端一也。太  
 庚雍已沃丁皆中才故各以弟繼兄時伊尹爲商阿衡豈願  
 立弟廢嫡以紊國紀乎二也。又如太史公陽甲紀云自仲丁  
 後九世立弟相爭代立並未有外丙仲壬亦以弟繼之詞若  
 以弟繼則成湯伊尹已先亂制何反罪仲丁乎三可疑也。且  
 邵康節皇極經世史亦無外丙仲壬名氏益疑從前定有錯  
 誤故茲不以外丙仲壬編年

按朱註載程子曰古人謂歲爲年湯崩時外丙方二歲仲壬  
 方四歲惟太甲差長故立之也。但考湯繼序丙壬俱未卽位

且放桐既借諒陰禮行之則是湯崩而太甲遂卽位明矣若  
 謂湯崩時丙壬止二歲四歲是湯年九十七九連在二子亦  
 屬可疑况元人疑壬果四歲則兄丙果二歲則弟孟子立言  
 何反先弟後兄故後儒皆從趙說謂商人多弟繼兄位不拘  
 嫡庶與大紀之史論牴牾均未必當愚意當云外丙生二歲  
 而死仲壬生四歲而死或訛史記之生字爲立字亦未可定

太甲 湯孫太丁子戊申嗣立顛覆湯之典型伊尹放  
 宗太甲之於桐三年太甲悔過復奉歸亳立三十三祀

太甲湯嫡孫乃係太丁子愛敬惟長親阿衡佐法尺咫助語辭  
 天子之法咫操促而弗行顛覆湯典型放桐三年耳桐在亳北  
 皇帝之令咫傾而弗用湯之墓側

怨艾自增修復辟步湯軌允德既克終尹志昭昭矣厥後為大宗千載崇斯禮凡帝王上世之廟親盡則祧惟祧功德之君則稱太祖太宗百世不祧太甲自桐歸亳處仁遷義為商賢主故號為太宗嗣後武丁為高宗大成為中宗號三宗後世帝王稱宗始此

太甲與周之成王同為中才主也非有伊周則敗度亂德誰抗世子之法然二君卒能克紹前烈為商周令主師保之功大矣以故後世立嫡豈必皆聖賢哉惟擇師傅為兢兢耳

沃丁

太甲子辛巳至己酉立二十九年祀時以賢臣咎單為相

沃丁嗣太甲遵父重阿衡賢臣咎單輔繩武著芳聲

世紀云沃丁八年戊子伊尹卒年百有餘歲大霧三日沃丁

咎音臯車音丹

葬之以天子之禮祀以大牢親臨喪以報大德又能任相咎

單亦能以伊尹行事輔王稱明良也奈後人輕信竹書紀年

謂伊尹放桐自立太甲殺之而官其子竹書云仲壬崩即立太甲伊尹放之於桐

自立三年太甲潛出自桐殺伊尹大霧三日乃官其子伊陟伊奮復其父之旧宅而中分之且云夏之伯益為帝啓殺周

之季歷為太丁殺與太甲殺伊事同啓天下萬世無理之訟乖亂不經豈世紀

諸書反屬杜撰而謬妄耶

大庚

沃丁弟庚戌立至甲戌二十五祀沃丁有子不立而立其弟太庚乃商家傳弟之始

太庚弟繼兄亂源從此啓庶政日因循二十零五祀

小甲

太庚子乙亥立至癸巳十七祀

小甲子嗣父尸位似頹唐保安十七載無由振紀綱

雍已

小甲弟甲午立至壬寅十二祀

雍已父太庚率由以弟繼諸侯抗不朝尸位剛一禛雍已以弟繼兄號令

不行諸侯皆輕類書恨不掛長繩於忽而不來朝夏日無長繩西飛何以繫天繫此西飛之日

沃丁為太甲子能委任咎單單亦賢相也猶順伊尹所行之

事奈何紊家法而以弟繼兄致小甲雍已俱以弟繼其啓有

商一代之弊端皆太庚雍已為之倡矣

中太戊

雍已弟太庚之子癸卯至戊午立七十五祀能修成湯之政商道於是復興

太戊修先政養老併恤孤巫咸與臣扈巫咸臣扈皆太戊臣孔傳曰古書有咸又四篇

今亡正義曰咸吳人塚

伊陟贊鴻圖伊陟伊子早朝勤弔疾祗懼懼

而事嚴恭且寅畏祥桑穀自枯時毫有妖樹曰祥桑穀忽生於朝一幕大拱王懼問於伊陟陟

曰妖不勝德於是大修先王之政令三日而祥桑枯死知妖不勝德中興有規模七十五

年久重譯貢天都譯以言轉告也各國語言不通必轉告而後明重譯者言來朝諸侯所譯非一國也太戊

側身修德重譯來朝者七十六國

太戊承小甲雍已廢弛之餘商政已衰一旦逮鰥寡振廢淹

養老幼恤疾孤佐以伊尹之賢裔格上帝而又王家復命中

行伯益裔孫以為車正三日而祥桑枯死三年而遠方來朝時重譯來

朝者七十六國又家商道大興可不謂中興之賢主乎而且

歷年之永自五帝以後所未曾有非盛事哉

仲丁

太戊子己未至辛未十三祀

仲丁時河決乃徙都於囂

已未元年遷於囂即今河陰開封府敖倉地又以囂為敖廢嫡立

諸弟爭立始呶呶

音從此階內亂朝宇勢飄搖

按會紀曰自仲丁廢嫡而立諸弟後爭相代立九世亂德以

故甲子歲藍夸作寇諸侯莫朝其實商之立弟不自仲丁始

也但自仲丁立外壬而爭奪從此開矣

外壬

仲丁弟壬申至丙戌十五祀

外壬兄傳弟因循十五年閱墻生覬覦不嫡豈能賢

河亶甲

外壬弟丁亥至乙未九祀

河亶甲如兄亦復以弟繼禍亂日相循鄴都還再徙

元年徙都於相相即

鄴都今河南彰德府也

祖乙

河亶甲孫丙申至甲寅十九祀自相遷耿復自耿再遷於邢

祖乙子嗣父懼亂去驕矜因相有河患遷耿又遷邢

耿即秦皮氏縣後為

龍門縣地宋改河津縣今屬平陽府邢即河內縣地簡用巫咸子巫賢相有能諸侯齊拱

服又號為中興之地未曾立都

仲丁後廢嫡階亂數代爭凌祖乙簡巫咸之子巫賢而以為

相撫綏保乂諸侯賓服天下太和此亦其中興也

祖辛

祖乙子乙卯至  
庚午十六祀

祖辛承祖乙嗣父十六年保世太和後史書無可傳

沃甲

祖辛弟辛未至  
乙未二十五祀

沃甲承祖辛亦以兄授弟居位鮮令聞在再念五禩大抵失傳書亦無績可記

夏商兩代千有餘年所傳尚書止數帙耳其沃丁既葬伊尹於亳咎單遂訓伊尹事而作沃丁一篇伊陟相太戊亳有祥桑穀共生於朝伊陟贊於巫咸作咸又四篇太戊贊於伊陟作伊陟原命一篇仲丁遷囂作仲丁一篇河亶甲居相作河

塊北音養振  
出楚詞又賈  
誼賦塊北無  
垠言不測也

夏甲一篇祖乙圮於耿作祖乙一篇今皆亡矣即所傳之伊訓及太甲上中下與咸有一德共五篇後儒咸以辭旨淺泛無古人塊北沉冥之意列之湯誓盤庚間絕不相類疑非古時之書而且篇名咸有一德彼此較量德皆純一則伊尹不令囂矜與湯咸有此純一之德疑出後人摹擬撰砌殊乏天真噫煨燼之餘典謨散失夏商兩代之君概多賢哲而軼事咸不可考殊深浩嘆

祖丁

祖辛子自丙申至  
丁卯三十二祀

祖丁繼沃甲因父是祖辛嗣叔纂其位統緒漫無倫彼此相爭



奪宗族似參辰。

南庚沃甲子祖丁堂弟戊辰至壬辰立二十五祀

南庚接祖丁又係沃甲子是為弟繼兄子奪渾如市世代苦紛爭百餘年不止。

陽甲祖丁子癸巳至己亥立七祀

陽甲崇宮室民居苦墊隘水泉咸瀉國諸侯法隳壞四國不來庭相將何所待。

盤庚陽甲弟庚子立復歸亳改國曰成至丁卯二十八祀

盤庚值河決安土乃重遷口舌代斧鉞誥命著三篇時著諄詞三篇詳言

遷都之利然後其民從之以誠相格化歸亳遵祖傳亳乃湯都西亳也漢改偃師縣今屬河南府

改商為殷號民不苦顛連中興賴有主人歌嘉靖年

盤庚三篇上篇告羣臣中篇告庶民下篇告百官族姓其上

中二篇未遷時言下篇乃既遷後言左傳謂為真誥體也王

伯厚又謂上篇是為臣時事中下篇是為君時事亦非無據

但蘇軾云遷亳一事民不悅而必為之先王所未有也然既

圯於耿則不得不遷盤庚當民怨逆命而終無怒形於色引

咎自責反覆開導忠厚之至此殷之所以復興後世鮮德教

而以盤庚藉口皆厲民以自用者也

自祖辛以來大家世族安於奢侈沃甲祖丁南庚三世皆兄弟爭奪百餘年內蕭牆禍作而陽甲又崇侈宮室民居多以水泉之瀉鹵音昔為苦商社危矣盤庚因河決而復遷歸亳臣民安土重遷嗜利忘患且以浮言惑眾抗不遷居若非德教何鎮人心王乃反覆告誡以口舌而代斧鉞改號為殷家邦胥慶此非其一中興乎

小辛 盤庚弟戊辰至戊子二十一年祀

小辛念一載以弟繼盤庚相率循故典庶以免紛爭

小乙 小辛弟己丑至丙辰二十八年祀時甲寅二十六祀吉公自幽迂岐號國曰周

小乙承小辛兩世俱難振雖頗知民艱無能表於政小乙為太子時備知民事艱難因其時商道復衰難以作為故事功不顯皆由弟繼兄五十年不競

高宗 武丁 小乙子丁巳至乙卯五十九年丁酉周季歷生

武丁能習勞視明聽且聰史稱武丁為太子時知人民好惡尚書稱高宗習勞於外修行恐

弗類亮陰言乃雍無逸云高宗諒陰三年不言其惟不言言乃雍審象求良弼恭默與

神通版築成台輔霖雨舟楫同傳說平陸人高宗夢上帝予以良弼乃繪其形旁求天下見說

版築於傅巖因致迎而立為相說命篇曰若濟巨川用汝作舟楫若歲大旱用汝作霖雨反己思王道祖已

訓須從書云王祭成湯時有雉飛升鼎而雉鳴也其臣祖已以為異作高宗彤日篇以為訓王乃反己修行恭默思

道一云係子祖庚時事未詳孰是雉鳴也其臣祖已鬼方北胡也夏曰

傅巖古在虞號之間今在平陽府平陸縣雉音構

曰獫狁秦漢皆曰匈奴唐曰突厥明日韃靼通志云鬼方恃固  
襲諸夏武丁伐之三年乃克朱子以毛詩有奮伐荆楚語疑即  
高宗所伐之鬼方重譯朝六國允號為高宗  
至今有從之者

小辛小乙兩世皆以弟繼能免子侄之爭凌乎賴武丁恭默  
修政反諸已以思王道感上帝資以良弼旁求天下而得  
傅說於版築君臣道合功成憲天以致編髮來朝鬼方亦克  
高堂拱堯舜之君重席坐臯夔之相超三軌五絕後光前于  
古中興於斯為最

祖庚 武丁嫡長子丙辰至壬戌七祀

祖庚嫡應嗣不及祖甲賢甲遜違父命始先位七年

祖甲 武丁次子祖庚弟癸亥至乙未三十三祀庚寅年西伯昌生是年古公薨季歷嗣

祖甲父稱賢是為祖庚弟始不義惟王乃向民間避及承兄丕  
基懷保民叨惠三十有三年不忝父遺意史記帝祖甲淫亂殷復衰與綱鑑尚書異

初武丁以祖甲為賢欲黜祖庚而立之祖甲以廢嫡為不義  
遜之民間及祖庚立七祀而崩祖甲乃立爰知小人之依惠  
保庶民不侮鰥寡以故享國永年無墜先志亦賢主也矧在  
兄弟爭立之朝而王以謙恭避位大矯前失方諸周室之泰  
伯又何嫌焉

廩辛 祖甲子丙申至辛丑六祀

廩辛嗣寶祚繼父泰為君屈指惟六載史冊無一聞

庚丁祖甲次子廩辛弟壬寅至壬戌立二十一祀

庚丁祖甲子亦係廩辛弟二十有一年商殷徒自帝癸丑周姬發生

武乙庚丁子癸亥立元年徙朝歌即今衛輝府常作木偶人為天神令人代行以為天博天神不勝乃以革囊盛血仰射以戮辱之謂之射天四年丙寅獵於河渭之間被暴雷震死在位止四祀

武乙最無道河北徙吾民河北即朝歌水德兆將滅土木為偶人令人恣戮辱囊血射天神河渭獵無度暴雷震其身渭水源出臨洮府渭源縣

武乙當遷都河北得有玉璽其文曰水德將滅木祚方興既

蓋音周屋音鳥鼠山東流經蓋屋典平咸陽渭南等縣至華陰縣界入於黃河

不知修己回天乃反革囊以射作千古未有之奇暴渭河之

雷震而死天道誠赫赫矣竹書武乙三年賜周公匱父岐邑應天文也此說甚非賜季歷可耳

太丁武乙子丁卯至己巳三祀

太丁嗣武乙何修蓋父愆惟始命季歷伐戎功可鐫始伐燕京之戎亦

既克燕京姬周入簡編未嘗誅王季竹書何妄傳三祀壽不永

孫暴子猶賢

竹書紀年以季歷為太丁所殺其說甚謬考帝乙元祀始命

季歷為牧師先伐余無始呼後伐翳徒西落且執翳徒三大

夫而歸是則周家西伯之封始於帝乙季歷在太丁時止伐

燕京之戎何嘗先戮於太丁哉。蓋竹書得於古塚。發塚者燒策以照取寶物。故各書多燼簡殘編漫無註次。如云伯益見殺於帝啓。伊尹見殺於太甲。大霧三日。且云夏之歷年多於商。殷凡皆竹書之斷殘。乖謬其說。安可從耶。

竹書考

晉太康二年。汲郡人盜發魏襄王塚。一云安釐王塚。得竹書數十車。其紀年十三篇。記夏以陳至周幽王為犬戎所滅。以事接之。三家分。仍述魏事。至安釐王二十年。其中經傳大異。則曰夏年多殷。益干啓位。啓殺之。太甲殺伊尹。太丁殺季歷。自周受命。至穆王百年。非穆王壽百歲也。厲王既亡。有共伯和者攝行天下事。非二相共和也。易經二篇。與周易同。易繇陰陽卦二篇。與周易畧同。而繇辭則異。卦下易經一篇。似說卦而異。公孫段二篇。公孫段與邵陟論易國語三篇。言楚晉事。各三篇。似禮記。又似爾雅。論語師春二篇。書左傳諸卜筮師春似造書者姓名也。瑣語十一篇。諸國夷卜妖

怪用書也。梁邱藏一篇。先敘魏之世數。次言邱藏金玉事。繳書二篇。論射弋法。生封一篇。帝王所封。大曆二篇。鄒子談天類也。穆天子傳五篇。言周穆王遊行四海。見帝臺西王母圖詩一篇。畫贊之屬也。又雜書十九篇。周食田法。周書論楚事。周穆王美人盛姬死事。大凡七十五篇。七篇簡書折壞不識名。題冢中。又得銅劍一枚。長二尺五寸。漆書。皆有蝌蚪字。初發冢者。燒策以照取貨物。故皆焦簡殘篇。缺畧不可詮。次晉武帝以其書付秘書校。綴次第。尋考指歸。而以今文寫之。有東晉者。官著作。得縱觀竹書。隨宜分釋。皆有義證。

帝乙

太丁子庚午立。至丙午三十七祀。二祀命周季歷為牧師。先伐余無之戎。繼伐始呼。又伐翳徒。獲其三大夫。又曾伐西落鬼戎。王嘉其功。賜之圭瓚。和鬯為侯。伯七祀。季歷薨。子昌立為西伯。十二祀。鳳凰鳴於岐山。按綱鑑云。二十三祀壬辰。周西伯昌生子發。其說甚誤。若生是年。則武王止五十四歲。而文王六十三歲。生武

沈云綱鑑之沿訛甚多。賴此摘發。

王也蓋本竹書紀年而如此說實不可從愚意武王果

九十三歲則當生庚丁十二年癸丑小文王二十四歲

帝乙本賢君牧師封季歷舊紀在太丁時今從綱目及孔叢子改正於此心知微子賢

與后皆明哲太史泥於常法以紂為嫡既關於受辛啓賢嗟未

立帝乙先以紂母為妾而生微子啓與仲衍後立為后而生紂故帝與后皆欲立啓為太子太史謂有妻之子不可立妾之子乃知子莫如父明焉恨不決

帝乙亦賢君也既知啓之為賢而猶誤聽太史之爭則昧甚

矣妾子既不可君又何可以妾為后前已紊經後不達變辯

言喪邦此太史也託孤寄命之際可不謹與

姐字也已姓

也蓋法殘義

損善曰紂

受辛

帝乙子卽位甲寅伐有蘇氏獲姐已嬖之丙寅西伯伐之紂師皆倒戈以聽西伯之人乃

奔鹿臺衣寶玉自焚而死立三十二祀殷亡

受能格猛獸敏捷逞雄材峻法族刑人犯罪者并姐已崇厲階

延師作北里命樂師名延者作北象箸侈玉杯紂始為象箸箕

箸必為玉杯玉杯象箸必將食熊蹯豹胎他又將稱是王欲求足天下殆哉夜飲觀炮烙置獄斗以

人舉之手爛更為銅柱以膏塗之加於炭火之上使有罪緣之名為炮烙以娛姐已斲脛剝胎有朝涉

以觀其髓以其何以能耐寒也酒池肉林裏男女裸為諧微箕

諫不聽剖心辱並哀比于紂親臣也諫之即剖心以觀七竅箕

子卽紂同母兄也箕子遭紂囚以為奴如今城旦之刑也九侯

微子知不可諫逃去野外後人謂抱器歸周實無是事

斲音斲制空  
胡反音枯

鄂音謬姜音  
有姜里城名  
即古蕩陰今  
在彰德府蕩  
陰縣北九里

鹿臺在衛輝  
府淇縣南陽  
社又大名府  
滑縣西五十  
里亦有之鉅  
橋亦在淇縣

鄂侯死姜里懲奇災周西伯與九侯鄂侯皆三公十一祀紂以九侯女不喜淫殺其女而醢九侯鄂侯爭

之并脯鄂侯西伯聞而竊嘆崇美烹伯邑考方苟免疑猜紂囚

候虎以告遂囚西伯於姜里其長子伯邑考質於殷為紂御紂烹為羹賜文王曰聖人當不食其子羹文王食之紂曰誰謂西伯聖者食其子羹尚不知也

美女呈良馬因霧始閉時文王臣散宜生闕天輩求有莘之美女驪戎之文馬有熊氏之九馴及

奇怪之物因殷嬖臣費仲而獻之紂大悅曰八百孟津會紂後此一物足以釋西伯况其多乎乃赦西伯

伯囚歸國八年薨子發立仍為西伯舉兵至孟津諸侯不期而會者八百國皆曰紂可伐矣西伯發曰汝等未知天命未可也

引師還紂仍不改惡越二年戰於牧野紂師敗倒戈漂杵來戊寅歲甲子寶玉燼鹿臺

閉眼旗杵上嬌魂血滿腮武王伐紂紂兵皆倒戈被殺血流至於鹿臺武王乃斬妲己懸其頭於太白旗上殷於是亡

紂辛之為人資辯捷疾聞見甚敏手格猛獸材力過人言足

以飾非智足以拒諫以為天下皆莫已若故荒淫暴虐有自

來矣跡其北鄙之音北里之舞酒池肉林奇技淫巧鹿臺之

瑤室玉門鹿臺廣三里高鉅橋之怪物狗馬無非恣妲己一

人之悅一切祭祀棄而不享一切典刑除而不用而且宮中

九市男女裸逐為長夜之飲以致諸侯怨叛離心離德反聽

妖婦謂罰輕誅薄嚴刑以懲斲朝涉之脛剖賢人之心沃銅

柱之膏灸炮烙之慘剥喪元良剝剔孕婦以人食獸廣太沙

邱之苑臺沙邱苑臺在邢州平鄉東共二十里竹書紀年云自盤庚徙殷至紂之滅二百七十三年更不徙者

紂時稍大其邑南距朝歌北後肆殘酷倍於夏桀與幽厲矣

距邯鄲及沙邱皆離宮別館噫湯祀六百四十餘年賢聖代作紂乃自絕於天而結怨於

民由是岐山師興孟津兵合倒戈漂杵身作厲燼昔以羣賢

聖維之而不足以一獨夫敗之而有餘後人鼓箕子之操誦

麥秀之歌能不切齒而隕涕者乎箕子朝周見殿宮室生禾

兮禾黍油油兮彼狡童兮不與我好兮殷民間之無不流涕

傳子以嫡所以重天下一民心而杜從傍之覬覦天下之大

經也聖人猶貴通權而達其變奈商自太庚雍已太戊外王

河實甲沃甲盤庚小辛小乙祖甲庚丁十一世皆以諸弟而

繼其兄以致叔承侄嗣謬亂乖張雖其間太戊盤庚猶不失

為中興令主而其他九世廢嫡內亂相循苟免篡弒非其倖

與然商之亡國又泥於嫡賢如帝乙與后皆知啓之為賢但

長而非嫡太史泥爭以法致喪天下於受辛之手非不識達

權之過乎夫立嫡經也立賢亦經也嫡而非賢自應求賢於

長次長次而賢非嫡亦無害於經乃舍賢而拘於嫡廢長而

昧於暴貽殃播虐遂殄厥宗此與從前之以弟繼兄皆闇於

經而不審乎權也

以桀較紂紂固浮於桀矣然祖伊忤之惟曰淫戲自絕而已



武王數之止。斯脛剖賢。炙忠剔孕。斯已甚矣。而史傳復有醢  
鬼脯鄂。六韜更出剗心等三十有七事焉。故子貢曰。紂之不  
善。不如是之甚矣。夫紀事務得其真。美刺須審乎實。如九侯  
卽鬼侯也。傳云九侯入女於紂。女不喜淫。乃殺女而并殺九  
侯。鄂侯爭而脯之。西伯嘆而囚之。以一女而囚殺三侯。恐非  
實情。且史記止云醢九侯。脯鄂侯。而明堂位遂云脯鬼侯。以  
享諸侯。呂氏春秋又謂醢梅伯。脯鬼侯。以禮諸侯於廟。論史  
而參差。買亂增飾。任情如此。豈實錄耶。語云揚善毋過。辭過  
辭則人弗信。抑惡毋過。飾過飾則人弗戒。讀史者審諸

日  
月  
星  
辰  
土  
石  
水  
火  
金  
木

